Zeitschrift: Schweizerische Lehrerinnenzeitung

Herausgeber: Schweizerischer Lehrerinnenverein

Band: 71 (1967)

Heft: 7-8

Artikel: Litanei

Autor: Blaser, Susanne

DOI: https://doi.org/10.5169/seals-319962

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 28.10.2025

ETH-Bibliothek Zürich, E-Periodica, https://www.e-periodica.ch

Litanei

Trudi (Kindergärtnerin): Es nimmt mi nume wunger, was die Eltere eigentlech füf Jahr lang deheime mit dene Chind mache. Da chöme si derhär u chöi wahrhaftig nid esmal d Schueh binde u mit de halbe sötti me no jedesmal uf en Abe. Ke Red dervo, daß si chönnten aständig grüeßen oder danke säge oder öppe sogar wüßte, wi me es Bleistift i Pfinger nimmt. Alls sötte mir ne de im Chindergarte bybringe.

Lisebeth (Primarlehrerin): Es nimmt mi nume wunger, für was die Chind eigentlich ds ganze Jahr i Chindergarte göh. Da chöme si i ds Erschte u 's git geng no settigi, wo ned schön chöi färbe, u still sy u folge hei si o nid glehrt, u meinet der öppe, si wüßte, wi me zwo Lismernadle i Pfinger nimmt? Alls sölle mir ne de im Erschte u Zwöite bybringe.

Peter (Primarlehrer): Also einischt wett i de scho no wüsse, was die Lehrere im Erschte u Zwöite eigentlich mit dene Chind zämegfätterle. Da chöme si i ds Dritte u chöi geng no nid grad uf d' Zyle schrybe, vomene CK hei si allemna o no nid vil ghört, verschwyge de vomene Diphtong; ihres Einmaleins isch schitter wi d' Schlachthuskanalisation, alls müeße mir ne de im Dritte u Vierte bybringe u derzue hei mer ersch no das verflixte Gschtürm mit Progy u Sek uf em Buggel.

Sus (Sekundarlehrerin): Also einisch wetti de scho no wüsse, was die Lehrer am Dritte u Vierte eigentlich mache usser Cabaretspiele; da chöme die Chind i d' Sek u hei groß läng Stück kei Ahnig vo Orthographie, schrybe Bahnhof seeleruehig mit TZ, u ihri Ussprach chönnt eim d' Wänd uf jage... alls sölle mir ne de bybringe.

Ueli (Gymnasiallehrer): Also gället, mängisch chönnts eim de scho wunger näh, was die eigentlich a dene Sekundarschuele für ne Gmüetsbetrieb hei; da chöme die Gymeler derhär u beherrsche nid esmal ihri Muettersprach, vom Französisch wei mer scho gar nid rede, pitoyable, u loset einisch der Mathlehrer... alls mueß ds Gymnasium vo Grund uf neu ufboue.

Hans (Professor): Mir a der Universität frage üs ja würklich mängisch, was die a dene bärnische Gymnasie mit dene junge Lüt astelle; je längersch je meh müeße mir der Ydruck übercho...

Susanne Blaser

Limericks

Von einem Fischlein im Schwäbis Da gab's eine Dame in Einigen,

sagt man, elendiglich läb-is. die ließ sich selbst chemisch reinigen.

Sein Ehegespon Warum sie das tat? sei durchs Stauwehr davon. Sie folgte dem Rat

Ja, solche Tragik, die gäb-is... ihres Gatten. Der wollte sie peinigen

«Limericks aus Thun und Umgebung» heißt das graphisch ansprechend gestaltete Büchlein von Andreas Eichenberger (mit Illustrationen vom Verfasser).